



Nynorsk

Niels Henrik Abels matematikkonkurranse 2011–2012

Andre runde 19. januar 2012

Ikkje bla om før læraren seier frå!

I den andre runden av Abelkonkurransen er det 10 oppgåver som skal løysast på 100 minutt. Svara er heiltal frå og med 0 til og med 999. Skriv svara nede til venstre på skjemaet.

Du får 10 poeng for rett svar og 0 poeng for gale eller blankt svar. Det gir ein poengsum mellom 0 og 100.

Ingen andre hjelpemiddel enn kladdepapir og skrivereiskapar er tillatne.

Når læraren seier frå, kan du bla om og ta til med oppgåvene.

Fyll ut med blokkbokstavar

Namn		Fødselsdato
Adresse		Kjønn
Postnr.	Poststad	K <input type="checkbox"/> M <input type="checkbox"/>
Skule		Klasse
Statsborgarskap		

Svar

1

6

2

7

3

8

4

9

5

10

For læraren

Rette: · 10 =

**Oppgåve 1**

Kari har ti ulike bamsar, og har bestemt seg for å ta med tre eller fleire av dei på ferie. På kor mange måtar kan ho gjere dette?

Oppgåve 2

Tala a_1, a_2, a_3, \dots er slik at $a_1 = 2012$, og for $n > 1$ er $a_n = \frac{1}{2}a_{n-1}$ dersom a_{n-1} er eit partal, og $a_n = a_{n-1} - 1$ dersom a_{n-1} er eit oddetal. For kva n er $a_n = 1$?

Oppgåve 3

Eit tal er slik at dersom du deler det på 2010, får du 1000 i rest. Dersom du deler det på 2012, får du 100 i rest. Kva er resten dersom du deler talet på 12?

Oppgåve 4

Eit punkt P inne i kvadratet $ABCD$ ligg slik at $AP = \sqrt{39}$ og $BP = DP = 10\sqrt{5}$. Finn lengda CP .

Oppgåve 5

Kor mange heiltal, m der $2 \leq m \leq 10000$, er slik at $m^3 + m^2 - m - 1$ er eit kvadrattal?

Oppgåve 6

I femkanten $ABCDE$ er dei fire sidene AB , BC , CD og DE like lange, medan $\angle AEC = 80^\circ$ og $\angle BAC = \angle DEC = 40^\circ$. Finn $\angle CAD$ uttrykt i grader.

Oppgåve 7

Fem vene skal gje kvarandre gåver. Dei har laga ei gåve kvar, som dei skal gje bort til ein av de andre. På kor mange måtar kan dei fordele gåvene slik at alle får ei gåve, og ingen får fåva dei sjølv har laga?

**Oppgåve 8**

Rekn ut

$$\frac{(2^2 + 4^2 + \dots + 2010^2 + 2012^2)^2 - (1^2 + 3^2 + \dots + 2009^2 + 2011^2)^2}{3018 \cdot (1^2 + 2^2 + 3^2 + \dots + 2011^2 + 2012^2)}.$$

Oppgåve 9

Trekanten ABC har areal lik 450. Punkta D på sida AB og E på sida CB er slik at $AB = 3 \cdot AD$ og $CB = 3 \cdot CE$. F er skjeringspunktet mellom linjestykka AE og CD . Kva er arealet til trekanten AFD ?

Oppgåve 10

Ei liste med tal er skrive på tavla:

1 2 3 4 5 6 7 8 9 10 2 3 4 5 6 7 8 9 10 3 4 5 6 7 8 9 10
4 5 6 7 8 9 10 5 6 7 8 9 10 6 7 8 9 10 7 8 9 10 8 9 10 9 10 10

Kvar gong nokon går forbi tavla, stryk ho ut dei to tala a og b som står først i lista, og føy til $ab/(a+b)$ bakerst. Til sist står det att berre eitt tal x . Kva er $1/x$?

Løysingane blir lagde ut 20. januar kl. 17.00 på
abelkonkurransen.no